



UNIDADE 8

Guía de ocio

**Nesta unidade imos planificar un día de ocio nunha cidade galega.
Para iso, imos aprender:**

- ◆ a falar de actividades de lecer
- ◆ a falar de horarios
- ◆ a describir lugares
- ◆ a falar do clima
- ◆ a relatar experiencias pasadas
- ◆ a falar de intencións e de proxectos
- ◆ os meses do ano
- ◆ o pretérito
- ◆ a perífrase **ir** + infinitivo
- ◆ algunhas expresións temporais

1. GUÍA DE OCIO

A. Esta é a *Guía de ocio da cidade de Vigo*. Le as informacións que contén e logo decide, en parellas, cal é o mellor lugar para realizar cada unha das seguintes actividades.

1. Queredes bailar ata as seis da mañá.
2. Queredes ir a un museo, pero só tendes 4 € cada un.
3. Queredes ir ao cine ver unha película en versión orixinal.
4. Queredes ir a un karaoke.
5. É a unha da madrugada dun sábado e apetecevos cear nun sitio con música.
6. Queredes facer algo pola mañá e encántavos a pintura francesa.
7. Xa é bastante tarde e tendes fame. Un de vós é vexetariano.
8. Queredes ir ao cinema cun rapaz de 10 anos.
9. Gustaríavos cear fóra, pero non queredes gastar máis de 20 € entre os dous.
10. Queredes tomar un café nun lugar con arte e historia.
11. É venres, son as dez menos vinte da noite e queredes ir ao teatro.
12. Queredes escoitar música en directo.

- Para xantar o sábado, podemos ir a O Pescador, a min gústanme moito os peixes da ría.
- o Ou tamén podemos ir de tapas...

Guía de ocio da cidade de Vigo

RESTAURANTES

O Pescador Rúa do Berbés, 7. 986 43 29 24. Mariscadas á grella, peixes da ría e arroces. Albariño e mencia. A partir das 12.30 h. Menú degustación a 30 €.

A Colexiata Rúa Oliva, 10. 986 22 73 97. Cociña tradicional galega. Especialidades: empanadas variadas e fideos con mariscos. Venres e sábados, actuacións de solistas: violín, piano e frauta. De 13 a 02 h. Pecha os domingos.

Mesón do Deza Rúa Canceleiro, 9. 986 22 88 64. De 7.00 a 24.00 h. Carnes de Lalín e peixes variados. Os domingos, durante o inverno, especial cocido de Lalín (hai que encargalo, mín. 4 persoas). Menú do día: 12 €. Tapas variadas. Pratos combinados desde 5,50 €.

Corleone Rúa Rosalía de Castro, 37. 986 22 27 70 - 986 22 67 66. De 13.30 a 16 h e de 20.30 a 24.30 h. Comida tradicional italiana. Cociña para fabricación de pastas á vista do público.

Tapas Areal Rúa México, 36. 986 41 86 43. Gran variedade de tapas. Embutidos, ensaladas, menú vexetariano, revoltos, peixes e carnes (espeto de solombo, costeletas de leitón). De 11 a 24 h.

CAFETERÍAS, BARES E DISCOTECAS

Don Balón Avda. de Balaídos, 20. 986 41 53 09. De 8 a 24 h. Almorzos e bocaterra. Menú do día a 10 €.

Cafetería Agarimo Rúa Lavadores, 3. 986 22 97 60. De 8 a 2 h. Días de peche: domingos. Almorzos, cafés e infusións. Tapas especiais.

A Cova Céltica Praza da Pedra, 5. Ambiente folk. De domingo a mércores de 23.30 a 3 h. De xoves a sábado ata as 5.30 h. Exposición permanente de pintura galega. Situado na zona histórica. Concertos de grupos folk, todos os xoves a partir das 22 h.

O Castro Rúa Manuel Olivie, 31. 986 42 09 40. Karaoke, son D.B.U. e equipo de iluminación. De 23.30 a 5.30 h. Sábados e domingos ata as 6 h.

D'Roi Rúa Concepción Arenal, 1. Pop, rock, disco, jazz, blues, soul, funky, folk, house, dance, tecno. De luns a sábado de 19.30 a 3 h. Pechado domingos.

Odeón Rúa Rogelio Abalde, 12. Tango, salsa, merengue, rumbas, latino. Domingos a xoves de 19 a 24 h. Café de 12 a 20 h. Pub desde as 24 ata as 6 h. Karaoke venres e sábados (22 a 24 h).

MUSEOS

MARCO (Museo de Arte Contemporáneo) Rúa Príncipe, 54. 986 11 39 00. De martes a sábado (festivos incluídos), de 11 a 21 h, domingos de 10 a 15h, pechado os luns. Horario da tenda librería: luns a sábados (festivos incluídos) de 11 a 21 h, domingos de 11 a 15 h. Prezo: 3 €. Estudiantes con carné, maiores de 65 anos, desempregados e pensionistas: 2 €. Nenos ata 8 anos: gratuíta. Familia numerosa: 1€ por persoa. Grupos a partir de 10 persoas: 1 € por visitante. Exposicións temporais: Planta Baixa: "Novos Horizontes". Artistas contemporáneos de Francia, do 1 de xuño ao 23 de setembro. Primeiro piso: "Documentos. A memoria do futuro", do 30 de marzo ao 24 de xuño. "Retratos doutro século", do 29 de xuño ao 9 de setembro".

Museo Etnográfico Liste Rúa Pastora, 22 (Travesas). 986 24 46 98. Martes a sábado: de 11 a 14 h e de 17 a 19 h · Domingo e luns pechado. As visitas fóra do horario establecido deberán concertarse previamente. Prezo xeral: 2,40 €. Menores de 12 anos, xubilados e estudantes: 0,90 €. Grupos de máis de 10 persoas: 0,60 €. Exposicións permanentes: mostras de actividades económicas, culturais, agrarias ou médicas, ligadas ao mundo rural.

Casa das Artes Rúa Policarpo Sanz, 15. 986 43 95 25 (atención ao público de luns a venres: de 9 a 14 h). Luns a venres de 18 a 21.30 h · Sábados de 11 a 14 h e de 18 a 21.30 h · Domingos e festivos de 11 a 14 h · Entrada libre. Exposición permanente: "Laxeiro y Luís Torras". Exposición temporal: "Tamara Lempicka", do 19 de abril ao 15 de xullo. Visitas guiadas: de luns a xoves ás 20 h; domingos e festivos ás 12 e ás 19 h.

Fundación Barrié de la Maza Rúa Policarpo Sanz, 31. Exposicións: "100 cartaces para un século". Do 24 de abril ao 24 de xuño. Martes a domingo, de 12 a 14 h e de 18 a 21 h. Entrada gratuíta. Conferencias: "Os galegos na construción do canal de Panamá", a cargo de Juan Manuel Pérez, o 20 de xuño ás 20 h. Entrada limitada.

TEATROS

Teatro Ensalle Rúa Chile, 15. 986 48 56 09. Horarios de oficina: de luns a venres de 11 a 14 h e de 17 a 21 h. Programación: *Zardigot*, Espello cóncavo. Venres e sábado ás 22 h; xoves e domingos ás 21 h.

Teatro Arte Libre Rúa Vázquez Varela, 19. 986 11 44 44. Programación: *Fóra de xogo*, Nove dous. Funcións: xoves a sábado 21:30 h; domingo: 19 h. Prezo: 10 €; abono de 10 entradas, 60 €; 6 €, para carné estudante, persoas xubiladas, grupos de máis de 10 ou os xoves, día do espectador.

CINEMAS

Cine Box Praza E Praza Elíptica Francisco Fernández del Riego, s/n. Tel.: 986 49 42 03. *Hostel 2*: domingos e festivos pase matinal: 12.15 h; venres, sábados e vésperas de festivos pase madrugada: 24.30 h. *Ocean's 13*: domingos e festivos pase matinal: 12.10 h; venres, sábados e vésperas de festivos pase madrugada: 24.45 h. *Piratas do Caribe. No fin do mundo*: domingos e festivos pase matinal: 11.40 h; venres, sábados e vésperas de festivos pase madrugada: 23.35 h.

Cine Salesianos Rúa Venezuela, 3. 986 43 51 40. Sala 1: *Sempre Xonxa* 17.30 h, 20.15 h e 23 h. Sala 2: *Fis-terra* 17.45 h, 20.30 h e 23 h. Sala 3: *Trece badaladas* 17.45 h, 20.30 h e 23 h. Sala 4: *Os luns ao sol* 17.45 h, 20.30 h e 23 h. Domingo ás 11 h, sesión de películas e debuxos animados para nenos, sala 3.

Gran Vía Cinemas Baixada ao Castaño, Gran Vía. 902 22 09 22. *Cidadán Kane*: 16.30 h, 17.45 h, 19 h, 20.30 h, 21.30 h e 23 h; *Casablanca*: 16.15 h e 18.15 h; *A raíña de África*: 20.30 h; *Sabrina*: 23 h. Ciclo de cine en versión orixinal, xoves ás 22 h e domingos ás 11 h.

EVENTOS DEPORTIVOS

Liga da Primeira División de Fútbol R.C. Celta de Vigo – Osasuna. Campo Municipal de Balaídos. Domingo 17 h.

Liga de Balonmán Academia Octavo Pilotes Posada - Bidasoa. Pavillón das Travesas: 19 h.

B. No lugar onde vives, tes unha oferta de ocio similar á da cidade de Vigo? Comenta as semellanzas e as diferenzas co teu compañeiro.

- Na miña vila non hai tantas discotecas.
- o Pois na miña si, e bares tamén.

C. Se vives fóra de Galicia, fíxate nos horarios da *Guía de ocio*. Hai algo que te sorprende? É igual no teu país?

- Na miña cidade as discotecas pechan máis cedo.
- o Si... e os cinemas tamén.

2. DE VACACIÓNS

A. Como adoitas pasar as vacacións? Marca a continuación as túas preferencias e coméntaas co teu compañeiro.

só	coa familia	coa parella	cos amigos	en viaxes organizadas	
en barco	en tren	en coche	en avión	en bicicleta	a pé
na praia	na cidade	na montaña	en países exóticos	en vilas	
en verán	en inverno	en primavera	en outono		

- A min gústame viaxar en verán, coa familia ou cos amigos...
- Pois eu, prefiro o inverno, e se pode ser con neve, perfecto.

B. Á volta de Semana Santa, unhas persoas cóntannos como pasaron estes días. Relaciona os comentarios coas fotos.



C. Agora volve escoitar e completa o cadro. Pode haber máis dunha opción.


	1	2	3	4
Viron un partido de fútbol.				
Comeron moi ben.				
Alugaron un coche.				
Foron de compras.				
Foron ao teatro.				
Sáíron de noite.				
Foron en barco.				
Estiveron en museos.				
Tiveron mal tempo.				

D. Agora fai unha lista dos países, das cidades e dos monumentos que visitaches e máis che gustaron. Logo, preguntalle ao teu compañeiro para ver se tendes experiencias comúns.

- Estiveches en Arxentina?
- Non, pero en Uruguai, si. Encantoume a cidade de Montevideo.

3. UN FRAGMENTO DE MENSAXE

A. Mario cambia frecuentemente de cidade, debido ao seu traballo. Este é o fragmento dunha mensaxe que lle enviou a un amigo que vive no estranxeiro, na cal lle fala das súas impresións e das cousas que fixo na última cidade á que se mudou. Podes descubrir de que cidade galega se trata? Escríbeo.



B. Fixate ben nas anotacións. Sabes en que tempo verbal están as frases? Podes sinalar os marcadores temporais que acompañan este tempo? Coméntao co teu compañeiro e logo aclarádeo co voso profesor.

C. E ti, que fixeches? Escríbeo completando as frases e despois coméntao tamén cos teus compañeiros.

Este ano..... *fun moi poucas veces ao cine...*

Este mes.....

Esta semana

Esta mañá


Hoxe

Estes días

Nunca

4. SAÚDOS DENDE BRASIL!

A. Iria é unha rapaza galega que está pasando as vacacións no Brasil, cun grupo de amigos. Le a postal que lle envía á súa familia e comenta co teu compañeiro se o está a pasar ben ou mal.



B. Que vai facer Iria o resto das vacacións? Completa.

Plans	Cando?
<i>Vai dar unha volta por Río en autobús...</i>	<i>Hoxe á tarde...</i>

C. Que estrutura verbal encontramos na columna dos plans?

..... + infinitivo

D. Os seguintes marcadores temporais sérvennos para referirnos ao futuro. Podes ordenalos cronoloxicamente?

- | | |
|-------------------------------|---------------------------|
| en Semana Santa | esta tarde |
| o 25 de xullo | dentro de dous anos |
| o 1 de xaneiro | o mes que vén |
| en Nadal | o ano que vén |
| o luns que vén | o 17 de maio |
| en setembro | pasadomañá |
| a próxima fin de semana | |

E. E ti, que plans tes para o futuro? Escríbeo e logo explícallo ao teu compañeiro.

- *O ano que vén vou facer un cruceiro coa miña familia e uns amigos.*

Falar de horarios

- **A que hora abre/pecha** o banco?
- A que hora abren/pechan** os estancos?
- A que hora comeza/acaba** o filme?
- A que hora comezan/acaban** as visitas?
- A que hora chega/sae** o tren de Vigo?
- **Á** unha; **ás** dúas/tres/sete/once e media...
- **Está aberto de** dez **a** unha...
- **Está pechado de** dúas **a** cinco...

Relatar experiencias pasadas: o pretérito

Verbos regulares

	ANDAR	VOLVER	SAÍR
(eu)	andei	volvín	saín
(ti)	andaches	volviches	saíches
(el/ela/vostede)	andou	volveu	saíu
(nós)	andamos	volvemos	saímos
(vós)	andastes	volvestes	saístes
(eles/elas/vostedes)	andaron	volvieron	saíron

Verbos irregulares

	IR
(eu)	fun
(ti)	fuches
(el/ela/vostede)	foi
(nós)	fomos
(vós)	fostes
(eles/elas/vostedes)	foron

En galego, tamén empregamos o pretérito para falar de accións pasadas con marcadores temporais que manteñen un vínculo co presente: **hoxe, este mes/ano, estes días, esta mañá/tarde/noite/semana/fin de semana, ultimamente, nos últimos días...**

- Hoxe **almorcei** un café con leite e unhas torradas.
- Esta fin de semana **estiven** con moitísima xente.
- Esta semana **lin** tres libros.

Describir lugares

unha praia **con** pouca xente...
 unha cidade **con** moito encanto...
 un local **con** música en directo...

un bar **onde** hai boa música...
 un lugar **onde** se pode facer deporte...

Falar de intencións e proxectos

IR + infinitivo

(eu)	vou	
(ti)	vas	
(el/ela/vostede)	vai	
(nós)	imos	+ infinitivo
(vós)	ides	
(eles/elas/vostedes)	van	

- Que **ides facer** o sábado pola noite?
- Seguramente **imos tomar** unha copa cuns amigos.



Para falar de intencións e proxectos no futuro podemos utilizar os seguintes marcadores temporais.

- esta tarde/noite/fin de semana...**
- este xoves/venres/domingo...**
- mañá/pasadomañá...**
- dentro dun ano/dous meses/tres semanas...**
- o luns/mes/ano que vén...**

Tamén podemos empregar o presente do indicativo para falar de intencións e proxectos.

- Mañá **imos** de excursión a Padrón.

Falar do clima

- Vai** frío/calor/sol/vento/aire/néboa/bruma/bochorno...
Chove, neva...
- Hai** treboada/tempestade/temporal...
- Está** nubrado/soleado/chuvioso...
- O tempo **é** bo/boísimo/regular/malo...

Meses do ano

xaneiro	xullo
febreiro	agosto
marzo	setembro
abril	outubro
maio	novembro
xuño	decembro

5. TODA UNHA VIDA

A. Aquí tes unha serie de feitos que poden darse na vida dunha persoa. Se non entendes algunha palabra, pregúntalle ao teu compañeiro ou ao profesor.

PLANTAR UNHA ÁRBORE	DIVORCIARSE	
ESCRIBIR UN LIBRO	MONTAR UN NEGOCIO	
XUBILARSE	ESTUDAR NUN PAÍS ESTRANXEIRO	
APRENDER A ANDAR EN BICICLETA	NAMORARSE	
VIVIR SÓ/SOA	IR Á UNIVERSIDADE	CASAR
ACABAR OS ESTUDOS	DAR A VOLTA AO MUNDO	
COMPRAR UNHA CASA	TER FILLOS	
APRENDER A TOCAR UN INSTRUMENTO		

B. Da listaxe anterior anota no teu caderno as cousas que xa fixeches, as que estás facendo na actualidade, as que vas facer de aquí a pouco tempo e as que cres que non vas facer nunca.

C. Agora coméntallo ao teu compañeiro. Despois explícalle á clase o que máis te sorprendeu.

- *Pois... Uxía casou dúas veces co mesmo home.*

6. O MEU LOCAL FAVORITO

A. Di como é o teu local favorito na túa cidade e noutra cidade que coñezas. Completa a ficha.

	NA TÚA CIDADE	NOUTRA
Onde está?		
A que hora abre?		
A que hora pecha?		
Que podes facer?		
Vai moita xente?		
Cando vas?		
Por que che gusta?		

B. Agora explícallo aos teus compañeiros.

- *O meu local favorito en Santiago é o café do Casino porque é moi antigo e moi bonito, está na zona vella e...*

7. UNHA BOA DISCOTECA

A. Quen de vós coñece mellor a cidade na que estamos e os seus arredores? Pensa nos lugares que coñeces e intenta completar o cadro.

	Nome	Onde está?
Unha discoteca con boa música.	<i>Sound</i>	<i>no centro</i>
Un bar onde podes conectarte á internet.		
Unha zona de terrazas.		
Un parque tranquilo.		
Un lugar onde se pode facer deporte.		
Unha tenda con roupa barata.		
Un bar onde podes ler.		
Unha biblioteca agradable.		
Unha boa tenda de discos.		
Unha aldea/vila con encanto.		
Un ximnasio.		
Un bar con boas tapas.		
Unha excursión que vale a pena.		
Un paseo ao lado dun río.		

B. Agora coméntao cos teus compañeiros.

- *Eu coñezo un bar no que dan unhas tapas moi boas.*
- *É onde está?*
- *Na zona vella.*

C. Descubriches algo novo? Dos lugares que coñeces os teus compañeiros, decide a cal queres ir, cando e explícallo á clase.

- *Creo que vou ir a Sound esta fin de semana. Marcos xa estivo e di que a música é moi boa.*

8. GUÍAS TURÍSTICOS

A. Aquí tes unha guía de Santiago de Compostela. En grupos de tres, imaxínade que sodes guías turísticos e que tendes que organizar un día en Santiago para un dos seguintes grupos de turistas.

- un grupo de xubilados
- un grupo de 35 estudantes de 18 anos
- unha parella que está de lúa de mel
- un grupo de nenos de 10 a 14 anos

Onde a choiva é arte. Cidade aberta, cálida e hospitalaria, afeita a recibir peregrinos desde a Idade Media, ten tamén unha cara moderna no ocio que cómpre non perder de vista.

O IMPRESCINDIBLE

Pasear pola zona vella, que fai de Santiago unha cidade Patrimonio da Humanidade. Cómpre visitar a catedral, a súa praza do Obradoiro e pasear polas rúas, agocharse da choiva baixo os soportais e, se o tempo o permite, tomar un café nalguna das prazas arredor da catedral, como a da Quintana dos Mortos ou calquera outra rúa da zona vella. Visitar a Alameda, desde onde hai unha magnífica vista do concello e da catedral. E para visitar museos, o Centro de Arte Galega contemporánea (CEGAC) e o Museo de Pobo Galego, situados a carón do parque de Bonaval.



SANTIAGO DE COMPOSTELA

TAPAS

Para tomar tapas, o máis recomendable é facelo na zona vella, nas rúas do Franco e da Raíña, onde están todos os bares con especialidades galegas: polbo á feira, empanada, pementos de Padrón, mariscos... Algúns dos máis famosos son **O Orella**, onde podes tomar orella de porco, o **SantYago**, **Os Caracois**, o **Central**, todos eles na rúa da Raíña. Son bares moi animados onde se mestura moita xente nova, estudantes, peregrinos e turistas.

ONDE COMER

A Barrola, con comida galega de boa calidade e a bo prezo; o **Enxebre**, ao lado da catedral; **El Pasaje**, con especialidade en mariscos e carnes; **A Alameda**, con especialidade en empanada; a **Casa Marcelo**, comida galega moderna, ten unha estrela Michelin.

PARA TOMAR COPAS

Pódese facer na zona nova ou na zona vella da cidade. Nesta última, os locais máis emblemáticos son: **A Casa das Crechas**, con música celta, cita obrigada para os amantes da cultura folk; **A Carrilana**, máis tranquilo e con boas terrazas no verán; **A Borriquita de Belén**, concertos de jazz e mojitos; o **Meia**, música actual, na Algalia de Abaixo; o **Forum**, para o mellor baile; o **Paraíso perdido**, para sentar tranquilamente, é todo un clásico na noite compostelá.

EXCURSIÓNS

➤ **Rías Altas**: visita ás rías de Betanzos e da Coruña. Betanzos é unha vila medieval con interesantes monumentos e A Coruña conta cunha zona histórica onde se atopa a praza de María Pita. As súas famosas galerías da Mariña e a Torre de Hércules son outros dous atractivos desta excursión.

➤ **Costa da Morte-Fisterra**: visitas a Noia, Muros, Carnota, Corcubión e Fisterra. É un dos lugares máis abruptos da costa galega, cheo de lendas ancestrais e famoso polos múltiples naufraxios ao longo do tempo, cunha paisaxe engaiolante e con praias infinitas.

➤ **Rías Baixas-Salnés**: visita ás rías baixas de Arousa e Pontevedra, máis resgardadas e moi famosas por ser grandes produtoras de mexillóns. Inclúe un percorrido en barco pola ría de Arousa, ademais dun paseo a Pontevedra, Combarro, Sanxenxo, A Lanzada, O Grove, A Toxa e Cambados.

➤ **Outras excursións**: Ribeira Sacra-Canóns do Sil, Sur de Galicia-Portugal, Lugo, Camiño de Santiago, pazos e xardíns históricos. Para facelas, cómpre contactar coa empresa Compostela Visión, en calquera oficina de turismo. Saídas todos os días, de xoves a domingo, ás 9 e ás 12 da mañá, durante o verán. No inverno, consultar horarios nas oficinas de turismo.



B. Agora ídeslle presentar as vosas propostas ao resto da clase. Xustificádeas tendo en conta os posibles gustos do grupo de turistas, prezos...

- *Nós preparamos un día para os xubilados. Pola mañá van ir a...*

9. MÁIS MÚSICA

A. En Galicia celébranse moitos acontecementos musicais durante o verán. Aquí tes tres deles. Cando se celebran? En que lugares? Sabes onde están?

B. Cal deles che interesa máis? Por que? Busca na túa clase dous compañeiros aos que lles interese o mesmo festival.

XX Festival Internacional do Mundo Celta

Catro apaixonantes días de xullo serán testemuñas do XX Festival Internacional do Mundo Celta. Ortigueira converterase, como cada verán, no corazón da Europa atlántica para acoller esta festa folk, declarada de Interese Turístico Internacional. Os mellores concertos de música de raíz, as actividades complementarias, a feira de artesanía, exposicións ou obradoiros tradicionais congregarán milleiros de persoas chegadas desde Galicia, España e do estranxeiro. Mercedes Peón, Milladoiro, Kepa Junkera, Flook ou Kroke brillan nun cartel que inclúe ata unha vintena de macroconcertos gratuítos.

Jazz IMAXINA SONS

O Festival Internacional de **Jazz SONS** amosará desde o 21 de xullo a actualidade do jazz, a través dun amplo número de concertos, con numerosas propostas musicais que apostan pola innovación e a orixinalidade. Poderanse ver grupos musicais que realizan a súa actividade no ámbito galego. Tamén atenderá á actualidade jazzística no resto de España, en especial ás tendencias máis actuais; e, por último, haberá unha importante presenza estranxeira no jazz europeo, sen renunciar a actuacións do latino ou americano. Este certame converterá Vigo durante dúas semanas na referencia dos festivais á vangarda do jazz, cun ambiente cultural e festivo único.



AS FESTAS DE RIBEIRA



Este ano as festas en honra a santa Uxía contarán coa presenza das dúas orquestras de referencia no ámbito musical galego. A orquestra **Panorama** e a **París de Noia** animarán o día central das festas de Ribeira, desde as primeiras horas da noite ata ben entrada a madrugada. Non só está garantida a calidade musical, senón tamén o espectáculo, a diversión e as ganas de bailar ata moi, moi tarde. Ademais, a comisión de festas agasallará a todos os asistentes coa tradicional queimada ao finalizar a verbena. Para que a diversión non decaia, **agosto comeza en Ribeira!**